

CYFARFOD	Pwyllgor Ardal Dwyfor
DYDDIAD	12 Rhagfyr 2016
TEITL	Trefniadau Etholiadau Llywodraeth Leol 2017
PWRPAS	Codi ymwybyddiaeth Aelodau'r Cyngor o'r trefniadau sy'n cael eu datblygu ar gyfer Etholiadau Llywodraeth Leol, Mai 2017 Trafod y sesiynau codi ymwybyddiaeth a sut i godi ymwybyddiaeth ymhellach
AWDUR	Cynghorydd Dyfrig Siencyn
SWYDDOG	Vera Jones
CYSWLLT	Rheolwr Gwasanaethau Democrataidd

1. CEFNDIR

- 1.1 Fel mae'r aelodau yn ymwybodol, cynhelir etholiadau Llywodraeth Leol ar y 4ydd o Fai, 2017. Cafwyd cyfle yng nghyfarfod y Cyngor Llawn ar 8fed o Ragfyr 2016 i dderbyn amlinelliad o'r trefniadau a pharatoadau ar gyfer etholiadau 2017.
- 1.2 Nodwyd fod tair ffrwd i'r gwaith paratoi, sef, Paratoi ymgeiswyr, Dyddiau Croeso a'r rhaglen hyfforddiant, ac yna ystyriaethau Technoleg.

2. Sesiynau Paratoi Ymgeiswyr

- 2.1 Nodwyd mai pwrpas y sesiynau paratoi yw rhoi cyfle i ddarpar ymgeiswyr ddod i gyfarfod â swyddogion ac aelodau o'r Cyngor i gael cyfle i gael mwy o wybodaeth am y disgwyliadau arnynt, a chael cyfle am sgwrs anffurfiol. Mae'r sesiynau wedi eu trefnu mewn ymateb i sylwadau gan nifer o Aelodau nad oeddent yn glir o beth i'w ddisgwyl yn dilyn ennill etholiad.
- 2.2 Mae sesiwn wedi ei threfnu ym mhob un o'r tair ardal fel a ganlyn:

DYDDIAD	LLEOLIAD	AMSER
17eg Ionawr, 2017	Frondeg, Pwllheli	6 – 8 yr hwyr
18fed Ionawr, 2017	Penarlag, Dolgellau	6 – 8 yr hwyr
19eg Ionawr, 2017	Siambwr Dafydd Orwig, Caernarfon	6 – 8 yr hwyr

- 2.3 Gellir gweld copi o'r trefniadau ar gyfer y sesiynau hyn yn **Atodiad A**.
- 2.4 Bydd yr aelodau yn ymwybodol fod trefniadau wedi eu gwneud er mwyn codi ymwybyddiaeth i'r sesiynau trwy safle we'r Cyngor a'r cyfrifon trydar a facebook. Byddwn hefyd yn codi sylw trwy gysylltu gyda'r Cynghorau Cymuned a thrwy'r grwpiau gwelidyddol.
- 2.5 Rydym yn ymwybodol fod gwahanol fforymau eraill fesul ardal y dylid cysylltu â hwy er mwyn codi ymwybyddiaeth. Gofynnir i aelodau'r Fforwm adnabod y fforymau eraill i'n cynorthwyo i sicrhau fod y neges yn cyrraedd cynnifer o bobl ag sy'n bosib.

Atodiad A – rhaglen waith sesiynau codi ymwybyddiaeth

PARATOI YMGEISWYR AR GYFER ETHOLIAD MAI 2017

CEFNDIR

1. Mewn Cyfweiliadau Datblygu Personol gydag aelodau unigol ac mewn trafodaethau yn y Pwyllgor Gwasanaethau Democraidd yn ystod 2014/15, adnabuwyd yr angen i baratoi pobl yn well ar gyfer bod yn gynghorwyr sir, gan dargedu ymgeiswyr posib cyn iddynt gyflwyno enwebiadau fel eu bod yn deall yr fyddai yn eu wynebu pe byddent yn llwyddiannus.

Y CYNNIG

2. Anelu at etholiadau'r Cyngor Sir ar 4 Mai 2017, gan gofio y bydd y Rhybudd Etholiad yn cael ei gyhoeddi 6 wythnos cyn hynny ar tua 23 Mawrth.
3. Y bwriad yw cynnal cyfres o sesiynau ar gyfer rhai sydd yn ystyried cynnig eu hunain fel ymgeiswyr tua mis Ionawr 2017.
4. Bwriedir ceisio rhoi cyhoeddusrwydd mor eang â phosib ar gyfer y sesiynau hynny gan ddefnyddio cyfryngau cymdeithasol, cysylltiadau pleidiau a rhestr bostio cynghorau cymuned i geisio denu cymaint o ddiddordeb â phosib yn y cyfarfodydd
5. Bwriedir cynnal 3 chyfarfod, un yn Arfon, un yn Nwyfor ac un ym Meirionnydd gyda'r nos gan lunio pecynnau gwybodaeth i'w rhannu a'u dosbarthu yno.

RHAGLEN Y CYFARFODYDD

Croeso	Gair byr efallai gan Gadeirydd y Fforwm Arda
Bod yn Gynghorydd	Cyflwyniad gan AJ ar:- <ul style="list-style-type: none">• Gyfrifoldebau'r Cyngor Sir (Y gwahaniaeth efo cynghorau cymuned)• Rôl yr Aelod Lleol a'r rôl sefydliadol o fewn y Cyngor (gofynion amser)• Disgwyliadau technoleg ayb
Profiad Aelod Newydd	Sgwrs 10 munud gan aelod newydd (gwahanol yn y dair ardal) ar eu profiadau hwy yn 2012
Trefn y Cyngor	Esboniad gan AJ o'r trefniadau gwleidyddol (Cabinet / Craffu / Trefn Bwyllgorau)
Ymddygiad Aelodau	Cyflwyniad gan IE / SH ar Safon Gwynedd a'r Côt Ymddygiad
Cyflog a Threuliau	Esboniad gan AJ o'r Drefn Cyflogau a Threuliau
Y Broses Etholiadol a'r Drefn Enwebiadau	Esboniad gan RH am y broses etholiadol, dyddiadau allweddol a ffurflenni i'w llenwi
Gofynion anwytho ar gyfer aelodau newydd ar ôl yr etholiad	Bydd angen i aelodau newydd fod ar gael i fynychu sesiynau anwytho dydd Mawrth a Mercher 9fed a'r 10fed o Fai, 2017 yng Nghaernarfon. Cyflwyno trefn y dyddiau a'r gofynion cyflwyno ganddynt ee manylion banc

DS Gweithredu yn reit llac a chaniatáu i bobl ofyn cwestiynau fel y mae'r cyflwyniadau yn digwydd